



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. FFF. Literae Dn. Legatorum ad Praesidem Camerae bellicae
Flemingium, in quibus genuinus sensus articuli 17. Pactorum
Roschildesium repetitur.

urn:nbn:de:hbz:466:1-10534

ditionis existant, qui procul absunt, aliisque in locis sustentantur, hospitalitates assignare & concedere. Ut denique sub discessum disciplina & bonus ordo observetur, nec subditis ullavis inferatur, vel eorum bona diripiantur, quin potius integrum sit militibus Danis simul adesse, qui hujus generis enormitates avertere ac impedire queant. S. R. M. Daniæ Dominus meus clementissimus certò confidit, V. R. M. ipsi in his gratificationem, quandoquidem illud conclusæ nuper paci, & in itæ sinceræ amicitiae omninò consentaneum est, ne S. M. subditi penitus pereant & desolentur; sed ut etiam novæ pacis fructibus gaudere, & vires quasdam retinere queant, S. R. M. Dominus meus clementissimus grata in posterum agnoscat mente singularem hanc affectionem & vicinalem benevolentiam, quam V. R. M. in hoc genere exhibitura est: & ut V. R. M. optatum responsum ac expeditionem quam primum exspecto, (præsertim cum tempus medicinam subditis adhibendam flagitans è manibus elaboratur) ita Eandem, &c.

Ovve Jucl.

Lit. FFF.

Literæ Dn. Legatorum ad Præsidentem Cameræ bellicæ
Flemingium, in quibus genuinus sensus articuli 17.
Pactorum Roschilidesium repetitur.

Illustris Domine Baro ac Præses,

Quandoquidem singulis fermè diebus querelæ & gravamina ad aures nostras perferuntur, scilicet quod incolæ hujus Regni iniquis oneribus graventur, dum post sancitam pacem non solum diversæ Contributiones de novo imperantur, sed & gravissimis executionibus premuntur & torquentur: quod ipsum, siquidem ita se haberet, intentioni S. R. M. Regis ac Domini nostri clementissimi, & pactis nuper initis omninò repugnat ac contrariatur. Quapropter non potuimus intermittere quin Domino Cameræ bellicæ Præsidi, quippe cui harum rerum cura & directio commissa est, ejusmodi querelas notificemus, amicè requirerentes, velit sedulam dare operam, ne hujus generis extorsiones factæ paci omninò contrariantes exerceantur, sed omni severitate adhibitâ eò incumbere, ut præter Contributiones ante sancitam pacem Regionibus vel imperatas, vel quæ ab altissimè memorata S. R. M. imperari jussæ erant, siue veniant sub nomine pecuniarum pro servatis ab incendio domiciliis, Contributionum menstrualium ad congerendam comnea-

tus copiam, seu classis bellicæ instructionem & alimentationem, sive hujus generis alio, nullus quicumque demum ille sit, audeat in posterum Regiones hæcæ novis exactionibus gravare, vel etiam nuper & post diem 18. Februarii demum imposita tributa exigere & extorquere, ut S. R. M. clementissima voluntas & beneplacitum impleatur, & omniæ medio tollantur & declinentur, quæ Instrumento pacis & genuino ejusdem sensui adversantur, & errorum ac simultatum causas quàm facillimè subministrare possunt. Quod verò Contributiones menstruales concernit, utique permanent ipsæ in suo statu & quomodo antea de illis invicem convenit, usque ad primum diem Maji, nisi S. R. M. huic aut isti immunitatem ab ejusmodi oneribus ante factam pacem imperatis clementissimè concesserit. Quod ipsum ut Domino Cameræ Præsidi ad notitiam significaverimus officii nostri ratio flagitavit, cum à S. R. M. clementissimè iussimus, ubicunq; opus erit diligentissimè adhortari, quò suprascriptæ & ad nos perlatæ enormitates nullo modo exercentur, sed penitus tollantur, &c. Hassniæ d. 8. April, Anno 1658.

Steno Bielcke. P. J. Coyet.

Lit, GGG.

Consilii Statûs Glückstadii literæ ad Sereniss. Regem Daniæ, noxia Suecis consilia continentes.

Serenissime ac Potentissime Rex, Domine clementissime, R. V. M. pro humiliâ fide, devotione ac obedientia nostra, ex verè perturbato animo celare non possumus, quâ ratione Gottorpio & aliunde periculosa plane nuncia Lubecam & Hamburgum perferantur, scilicet Regis Sueciæ exercitum in ipsam usque Sialandiam penetrasse, & V. R. M. ut & Dominos Regni Senatores ad iniquissimæ pacis conditiones incundas cogere velle; imò fermè approbatas illas esse & conclusas, quarum vigore V. R. M. totas provincias Scaniam & Blekingiam, cum parte classis bellicæ, bis mille equites & totidem pedites ex exercitu suo, ingentem pecuniæ summam, Insulam Bornholmiam, & Præfecturam Nidrosensem in Norwegia cedere, & insuper, quod palmarium est, Fædus offensivum & defensivum cum Suecis inire veller. Equidem hisce nunciis plenariam fidem adhibere non possumus, nec in animum nostrum inducere, Suecos, siquidem rem isthanc seriò agunt, & cum V. R. M. Regnoque Daniæ duraturam pacem ferire volunt, iniquis adeò conditionibus, nullum constans ac firmum vinculum nec tentibus, illam suffulturos & fundaturos. Nec dubitamus, V. R. M. una cum Dominis Regni Senatoribus, quippe quorum res præcipuè hæc agitur, pro exquisitissima illa
verè